



Սոցիալական ձեռնարկատիրության վերաբերյալ փորձագիտական խորհրդատվություն տրամադրվեց ՔՀԿ-ներին

Եվրամիության կողմից ֆինանսավորվող «Կառուցողական երկխոսության հանձնառություն» ծրագրի շրջանակում քաղհասարակության կազմակերպության (ՔՀԿ) ներկայացուցիչներին փետրվարի 27-ին Գյումրիում սոցիալական ձեռնարկատիրությամբ զբաղվելու վերաբերյալ հարկային և բիզնես խորհրդատվություն տրամադրեց:

Անվճար փորձագիտական խորհրդատվությունը տրամադրվեց ԵՄ-ի կողմից ֆինանսավորվող մեկ այլ՝ «Աջակցություն ՀՀ քաղաքացիական հասարակության կազմակերպությունների կարողությունների հզորացմանը» ծրագրի շրջանակներում կազմակերպված աշխատաժողովին:

Հասարակական կազմակերպություններն արդեն հնարավորություն ունեն զբաղվելու ձեռնարկատիրական գործունեությամբ: Եվ այս դեպքում մի շարք գործնական և տեսական հարցեր են առաջանում՝ լիազոր մարմին հաշվետվություններ ներկայացնելու, հաշվապահական հաշվառման, հարկեր վճարելու և այլ նրբությունների վերաբերյալ:

«Կառուցողական երկխոսության հանձնառություն» ծրագրի բիզնեսի և հարակից ոլորտների համակարգող և ՓՄՁ համագործակցության ասոցիացիայի գործադիր տնօրեն Հակոբ Ավագյանը ակտիվ հարցերի միջոցով դասընթացի մասնակիցներին ներկայացրեց, թե ե՞րբ իրենց աշխատանքը կարող է համարվել ձեռնարկատիրական գործունեություն, ինչպես հաջողել սոցիալական ձեռնարկատիրության ոլորտում և խուսափել խնդիրներից:

Դասընթացի մասնակից Էլիզա Պետրոսյանը, ով եկել էր Վանաձորից և ներկայացնում էր «Լոռու զարգացման կենտրոն» ՀԿ-ն, նշեց. «Այս դասընթացի ընթացքում բազմաթիվ նոր գիտելիքներ ստացա, սոցիալական ձեռնարկատիրություն ստեղծելու համար, ինչ նախապայմաններ են անհրաժեշտ, և արդյո՞ք մեր ՀԿ-ն այդ հնարավորությունները ունի, թե՛ ոչ: Այս գիտելիքներս կփոխանցեմ կազմակերպության մյուս անդամներին և արդեն կարողանանք վերջնական արդյունքի հանգել», - ասաց նա:

«Մեր հասարակական կազմակերպությունը չի զբաղվել ձեռնարկատիրական գործունեությամբ և չի զբաղվել դրա առանձնացված հաշվապահական հաշվառման վարմամբ և այս դասընթացի միջոցով հետաքրքիր էր իմանալ հաշվապահական հաշվառման առանձնահատկությունները՝ ՀԿ ոլորտում», -



նման կարծիք հայտնեց Աննա Հովհաննիսյանը, ով ներկայացնում էր «Համայնքային զարգացման և սոցիալական աջակցության կենտրոն» ՀԿ-ն:

Եթե Դուք նույնպես քաղակալիվիստ եք և ցանկություն ունեք իրավաբանական աջակցություն ստանալու, ապա դիմեք մեզ info@armla.am հասցեով՝ առաջիկա դասընթացին գրանցվելու և իրավաբանական խորհրդատվություն ստանալու համար:

«Կառուցողական երկխոսության հանձնառություն» ծրագիրն իրականացվում է ԵՄ ֆինանսավորմամբ՝ «Իրավաբանների հայկական ասոցիացիա» ՀԿ-ի կողմից գործընկերներ «Ագորա Սենթրլ Յուրոփ» ՀԿ-ի (Չեխիա), «Ժողովրդավարական կրթության հայկական կենտրոն-ՄԻՎԻՏԱՄ» ՀԿ-ի, «Մարդկային զարգացման միջազգային կենտրոն» ՀԿ-ի, «ՓՄՁ համագործակցության ասոցիացիա» ՀԿ-ի և «Հայաստանի համայնքների միություն» իրավաբանական անձանց միության հետ համագործակցությամբ:

Ծրագրի նպատակն է մեծացնել քաղաքացիական հասարակության կազմակերպությունների (ՔՀԿ) և դրանց կոալիցիաների/ցանցերի ազդեցությունը հանրային քաղաքականության մշակման գործընթացի վրա: Սա հնարավորություն կտա կազմակերպություններին (ովքեր արդեն իսկ աշխատում են թիրախային կոալիցիաներում) ձեռք բերել նոր ռեսուրսներ, քաղաքականության փորձագետներին միավորել և խրախուսել իրենց մասնակցությունը տեղական և ազգային քաղաքականությունների օրակարգի ձևավորմանը, հատկորոշել ընդհանուր խնդիրներն ու առաջնահերթությունները և դիմել կառավարությանը՝ կառուցողական և ռազմավարական քաղաքականության վերաբերյալ նախաձեռնություններով:

Ծրագրի շրջանակներում ենթադրամաշնորհներ կտրամադրվեն ՔՀԿ-ներին և ՔՀԿ-ների կոալիցիաներին, որոնք կուղղվեն հանրային քաղաքականությունների զարգացմանն ու կունենան շոշափելի արդյունքներ 9 թիրախային ոլորտում, որոնցից են արդարադատությունը, կրթությունը և բիզնեսը:

Իրավաբանների հայկական ասոցիացիան (ԻՀԱ) ստեղծվել է 1995թ.-ին: ԻՀԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունն իրագրել է, իսկ նրա իրավունքները՝ պաշտպանված: Մինչև 2016 թ. փետրվար ամիսը ԻՀԱ-ի անվանումն էր Հայաստանի երիտասարդ իրավաբանների ասոցիացիա:

Աստղիկ Կարապետյան
Հանրային կապերի համակարգող

Հեռ.՝ 540199

Էլ. Հասցե՝ info@armla.am

Կայք՝ <http://www.armla.am>, <http://ccd.armla.am>



Ծրագիրը ֆինանսավորվում է Եվրոպական միության կողմից:

Հայաստանում Եվրոպական միության պատվիրակություն

Հեռախոս՝ +37410 54 64 94



Իրավաբանների հայկական ասոցիացիա

Հասցե՝ Նալբանդյան 7, բն. 2 Երևան, Հայաստան, 0010

Հեռախոս՝ +37410 54 01 99



Եվրահանձնաժողովը ԵՄ գործադիր մարմինն է: Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոս-հաուն, ռեսուրսներն ու ուղիները: 50 տարվա քննարկման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: